

1909

年

第

卷

2006

第

期

2013

北洋官報

目錄

宮門抄
交旨
奏議◎農工商部奏安班調設立華商總會摺△直督奏
籌辦守讓官兵整頓頓法摺△又奏守讓官兵請加津
貼片
公體◎林道志遺稟一件△福州稟一件△天津商會移
文告五則△電報五則△新聞十七則
彙編◎鄂省禁煙公所發照章程△廣東省港湧水利慈
善會章程
戊申官報目錄

本局第九十二期
日增刊戊申
官報目錄
政學報
已出
頁一

宮門抄

二月二十日 內務府 八旗 兩翼值日 福建道郭道直謝 恩 安徽總兵王文煥謝 恩 甘肅
總兵何宗蓮謝 恩 春祿謝授廣州副都統 恩 廣綺謝授廂黃旗蒙古副都統 恩 琦侯續
假十五日 內閣奏派驗放大臣 派出恭王 陸潤庠 紹昌 秦綬章 內務府奏派致祭 黃木神
派出繼祿 召見軍機 王文煥 何宗蓮 春祿 廣綺 郭道直 憲政編查館法部徐士佳各
遞封奏一件
本日已刻 德國使臣雷克司等在 養心殿覲見

交旨

二月二十日 軍機大臣欽奉
諭旨民政部奏 德宗景皇帝梓宮奉移 西陵梁格莊暫安沿途支搭 蘆殿估計實需錢糧數
目請由度支部給發一摺著依議又片奏 西陵梁格莊行宮內外支搭平抬轎橋等項擬派員前往勘估

等語知道了欽此

諭旨憲政編查館奏遵辦統計政要擬從民政財政入手編訂表式酌舉例要開單呈覽一摺著依議欽此
諭旨法部奏交審要案節目繁重謹陳訊供情形請飭信勤就近確切詳查迅速咨部一摺著依議欽此

奏議錄要

農工商部奏南洋安班瀾地方設立華商總會請給關防摺

奏爲南洋安班瀾地方設立華商總會援案請給關防恭摺仰祈

聖鑒事竊臣部於上年五月間准駐和蘭國

使臣錢恂電稱安班瀾華商請代求准設商會請酌示等語當即電覆飭寄章程到日核辦去後是年六月間據該處華商公稟擬具章程舉定總協理繕摺列表呈核到部查閱該章程有應行酌改之處札飭更正并先行札委正副總理協理等十二人咨行駐和使臣設法保護旋據該商會補呈前來臣等伏查安班瀾在爪哇之東南臨印度洋與巴里島相亞自成一小島西人稱之爲龍目縱二百里橫三百里土番約八九十萬人所產菸米極佳其餘貨物亦夥閩粵商人國初僑寓於此至今猶服中國之衣冠用中國之制錢其地前歸錫南王管轄光緒十九年隸屬和國近且安置土官設法籠絡該商人等傾心內嚮設立商會以爲自治機關試辦數月據稱入會者已數百人正副總理王加祿洪玉輝協理鄭紹荃等辦理會務衆望允孚亟應查照歷辦成案刊給關防俾資信守仍責成該總協理妥爲經理以仰副朝廷加惠僑民振興商務之至意所有南洋安班瀾地方設立華商總會援案請給關防緣由理合恭摺具陳伏乞

皇上聖鑒訓示謹 奏宣統元年二月初八日奉 旨依議欽此

直隸總督楊等奏守護

西陵官弁兵丁籌擬整頓辦法摺

奏爲守護

西陵綠營兵丁籌議整頓辦法繕單恭摺仰祈

聖鑒事竊臣等承准軍機大臣字寄宣統元

年正月十一日奉

上諭貝勒載洵奏守護

西陵綠營兵丁強半老弱疲軟不足以資防護一摺著楊士

驥希廉按照所陳各節妥議具奏原摺鈔給閱看欽此經臣士驥檄委候補道葉崇質先會同藩司查明兵額餉數再行赴鎮察看綠營兵丁情形與臣希廉酌議辦法並由臣等函電籌商查得秦甯鎮標左右兩營計馬步守兵一

千四百七十五名守護

六陵地面遼闊紅椿界限周圍合計一百六十餘里分管地面二十段設內圍中圍

外圍汛撥一百九十一處派兵駐守晝夜巡邏並有巡查山海割除火道各項要差原額兵丁尙慮不敷差遣况值

德宗景皇帝梓宮奉移在邇

崇陵大工非數年不能竣事巡防彈壓責任匪輕原奏擬裁兵丁二成

委實難以裁減擬請仍照原額汰去老弱募補精壯每名發給快槍一枝酌配子藥輪班操練並每名每年置給秋帽布靴褲褂每名約需銀四兩共計銀五千九百兩至該兩營官弁兵丁廉俸餉乾本甚微薄官既不敷辦公兵更難以餬口誠如原奏所云必須酌量加增贍其身家始能責其精整計鎮標原設中軍游擊一員年支八成俸薪廉乾等銀五百兩八分左右兩營原設守備二員每員年支八成俸薪廉乾等銀二百五十五兩六錢原設千總八員每員年支八成俸薪廉乾等銀一百四十三兩九錢一分原設把總十二員每員年支八成俸薪廉乾等銀一百一十二兩四錢四分原設經制外委十八員每員年支八成廉餉銀四十兩九錢七分六釐原設額外外委四十五員每員年支八成餉銀二十七兩四錢四分均擬請按一半加給津貼共需銀二千七百四十二兩一錢三分四釐又左右兩營原設馬兵二百九十四名每年年支八成餉銀二十七兩四錢四分原設步兵一千九十四名每年年支八成餉銀十八兩六錢四分四釐原設守兵八十七名每年年支八成餉銀九兩一錢八分均擬按一半添給餉銀共計銀一萬四千六百三十一兩二錢七分八釐至泰甯鎮標所屬水東村紫荆關白石口廣昌營插箭嶺礮山堡易州營涑水營房山營馬水口沿河口計十一營原設馬步守兵共一千七百四十五名擬照原奏裁去二成下餘八成挑選精壯輪流操練以所裁二成騰出之餉勻給下餘八成兵丁支食毋庸另添一半餉項惟易州營原設游擊一員守備一員千總一員把總二員額外外委二員雖非守護

陵寢然相距切近青椿界內歸其管轄現在建修

崇陵圍佔風水又係該營地面巡護稽查均關重要擬照左右營官弁一律加津貼以免向隅共需

銀六百三十兩六錢四分六釐該營兵丁亦擬發給槍枝子藥以資演用闔鎮兵丁按月輪流調操以期整齊步伐

俾改舊觀各營有操法優長及奉差勤奮者由鎮獎賞鼓勵擬定鎮署每年公費銀二千四百兩以上通共每年應

添撥銀二萬六千三百四兩五分八釐自本年春季爲始均由藩庫發給其槍枝子藥飭由軍械局發給又易州營涑水營房山營裁去二成下餘八成馬步守兵三百十四名本年恭值

梓宮奉移暨以後 皇上恭謁

西陵大差 蹕路經臨係該三營所管地面兵丁均須站道應與守護

陵寢兵丁一律置給秋帽布

靴褲褂一次以壯觀瞻但毋須按年更換以示限制伏思

山陵重地松楸蕃密庭殿端嚴臣民之瞻慕所歸

朝廷慎衛

陵寢整

拱衛之精神宜振似此量爲變通酌籌辦法庶幾士飽馬騰巡守可資得力以仰副

御覽仰懇

天恩俯准照

擬辦理以資整頓理合會同恭摺具陳伏乞

皇上聖鑒訓示再此摺係臣士驥主稿合併聲明謹 奏宣統元年二月十七日奉

硃批著照所請該衙門知

道單併發欽此

謹將守護

西陵綠營官兵兵丁酌擬加給津貼餉項並置給軍裝銀數開具清單恭呈

御覽

泰甯鎮

標左右兩營馬步守兵一千四百七十五名每名每年擬給發秋帽布靴褲褂約計需銀四兩計一千四百七十五

名共需銀五千九百兩 泰甯鎮標原設中軍遊擊一員年支八成俸薪廉乾等銀五百兩八分擬按一半每年加

給津貼銀二百五十兩四分 左右兩營原設守備二員每員年支八成俸薪廉乾等銀二百五十五兩六錢擬按

一半每員每年加給津貼銀一百二十七兩八錢核計二員每年共需銀二百五十五兩六錢 又千總八員每員

年支八成俸薪廉乾等銀一百四十三兩九錢一分擬按一半每員每年加給津貼銀七十一兩九錢五分八釐核

計八員每年共需銀五百七十五兩六錢六分 又把總十二員每員年支八成俸薪廉乾等銀一百一十二兩四

錢四分擬按一半每員每年加給津貼銀五十六兩二錢二分一釐核計十二員每年共需銀六百七十四兩六錢

五分 又經制外委十八員每員年支八成廉餉銀四十兩九錢七分六釐擬按一半每員每年加給津貼銀二十

兩四錢八分八釐核計十八員每年共需銀三百六十八兩七錢八分四釐 又額外外委四十五員每員年支八

成餉銀二十七兩四錢四分擬按一半每員每年加給津貼銀十三兩七錢二分核計四十五員每年共需銀六百

一十七兩四錢 以上六項共需銀二千七百四十二兩一錢三分四釐 左右兩營原設馬兵二百九十四名每

名年支八成餉銀二十七兩四錢四分擬按一半每名每年添給餉銀十三兩七錢二分核計二百九十四名共需

銀四千三十三兩六錢八分 又步兵一千九十四名每名年支八成餉銀十八兩六錢四分四釐擬按一半每名

每年添給餉銀九兩三錢二分二釐核計一千九十四名共需銀一萬一百九十八兩二錢六分八釐 又守兵八十七名每年支八成餉銀九兩一錢八分擬按一半每名每年添給餉銀四兩五錢九分核計八十七名共需銀三百九十九兩三錢三分 以上三項共需銀一萬四千六百三十一兩二錢七分八釐 易州營原設遊擊一員年支八成俸薪廉乾等銀五百兩八分擬按一半每年加給津貼銀二百五十兩四分 又守備一員年支八成俸薪廉乾等銀二百五十五兩六錢擬按一半每年加給津貼銀一百二十七兩八錢 又千總一員年支八成俸薪廉乾等銀一百四十三兩九錢擬按一半每年加給津貼銀七十一兩九錢五分 又把總二員每年支八成俸薪廉乾等銀一百一十二兩四錢四分擬按一半每員每年加給津貼銀五十六兩二錢二分核計二員每年共需銀一百一十二兩四錢四分 又經制外委二員每員年支八成廉餉銀四十兩九錢七分六釐擬按一半每員每年加給津貼銀二十兩四錢八分八釐核計二員每年共需銀四十兩九錢七分六釐 又額外外委二員每員年支八成餉銀二十七兩四錢四分擬按一半每年加給津貼銀十三兩七錢二分核計二員每年共需銀二十七兩四錢四分 以上六項共需銀六百三十兩六錢四分六釐泰甯鎮標擬定每年公費銀二千四百兩全單通共每年應添撥二萬六千三百四兩五分八釐 宣統元年二月十七日奉 硃批覽欽此

直隸總督楊奏守護

東陵官弁兵丁請加給津貼等項片

硃批覽欽此

再馬蘭鎮綠營守護

東陵與泰甯鎮標綠營守護

西陵情事相同本年十月間

孝欽顯皇后

梓宮奉安即在

東陵馬蘭鎮標綠營亦應預籌整頓所有營兵操練並酌加官弁津貼兵丁餉項暨置給軍

裝裁成併餉及鎮署獎賞公費擬請

旨自本年春季起按照泰甯鎮標綠營一律辦理如蒙

俞允由臣照

會馬蘭鎮總兵遵照並令查明官弁兵丁原額實支俸廉薪餉若干及每年加給銀數咨由藩司核明開單詳請咨部立案理合附片具陳伏乞 聖鑒訓示謹 奏宣統元年二月十七日奉 硃批著照所請該部知道欽此

公牘錄要

林道志道稟滄州捷地路綫略改偏西請飭遵文並批

敬稟者查滄州捷地路綫能略改偏西可少佔買墳此外須佔王楊等姓墾地亦係回民頗有後言經陳牧鈺張直

牧廣建等邀同紳士多方勸導已將就範二十九初一等日工程司婁鴻德飭齊爾根尼池先後來滄晤商亦已認可允即繪圖將綫略向西改佔用買墳邊界三密達合中尺九尺有奇并云照此辦法彼此不得游移等語應請憲台會商 呂孫大臣會銜札飭李道等電飭婁鴻德迅即轉飭齊爾根尼池等按照此次所商辦法將路綫略改偏西起訖處所詳細繪圖交由陳牧查勘如另有他塋地在內俾由陳牧一手經理庶易迅速了結以順輿情而重路政并請 憲台札飭陳牧遵照至此次在事之張直牧廣建繙譯李嘉善應仍派往幫同辦理以期妥洽是否有當伏候 鈞裁

督憲楊 批據稟已悉滄州捷地路綫略改偏西既可少佔買墳所擬尙稱允洽候咨 呂孫大臣轉飭遵辦并候札飭津浦鐵路局滄州陳牧鈺張直牧廣建一體遵照辦理繳

勳州黃牧行簡稟種煙地畝一律淨盡并委員紳稽查文並批 明詔戒除並蒙 憲檄通飭遵辦當經分別辦理首禁種植次戒吸食查

卑州吸食者業蒙 順天禁煙局委員携帶憑票清查分別給發按年減戒並由卑州設立戒煙社施藥戒除稟明在案所有種植卑州到任後出示曉諭種植之處已改農田伏查罌粟係正月內種植四五月颺花收漿去年冬底誠恐今春種植之區故轍復萌或他處又種不得留心防範以仰副 國家 憲台愛民自強之意當經札委卑州吏目彭椿齡鄭紳福泉作爲半年稽查員以正月起六月止常川稽查茲據稟現在並無種植之區一律淨盡第值此春初苗未出土稽查難週非於三四月間將花未花之時履畝踏勘顯而易見况大地叢生亦難蓋藏竭力稽查委無一苗滋長方昭確實倘屆六月中旬一律淨盡卽爲稽查之效果除由卑職訪詢抽查外所有辦理禁煙首除種植已經淨盡並委員紳半年常川稽查情形理合稟陳 大帥查核肅此具稟敬請 勛安

督憲楊 批據稟已悉仰禁煙局飭候 順天府尹批示繳

天津商會移天津府議覆清畜所事宜文 爲移覆事案准貴府照會內開案查前奉道憲齊札開爲札飭事光緒三十四年三月初十日奉 署督憲楊札開據津海關道蔡紹基詳稱本年二月二十九日准天津衛生局咨開竊查羊豕牲畜爲食物之常品必其潔淨無病

者方可充膳否則轉而病人爲害滋深設遇畜疫流行其害尤烈東西洋於屠獸場之設視爲防疫最要之端良有以也天津通商巨埠屠宰甚多其中倒斃牲畜亦不少敵局常於患發牛痘之候禁宰生病之畜然不設立屠場無醫檢驗衛生之全體未周外人亦視爲闕典查奉天省城與營口兩處均已設立屠獸場開辦以來商民咸知其益天津華洋雜處人民繁庶自應仿照辦理當經調取奉省兩處章程酌照本地情形擬分設屠獸場三所備回教者一所漢教者二所以示區別廣造場屋選派醫員檢驗必精宰割必潔酌收驗費以濟公需仍照奉天收費章程再予核減如猪一口奉省收費五角羊一隻收費三角茲擬猪收四角羊則二角其餘牛馬等項一律從減俾商販輸將自易而屠場經費有資公家無籌款之煩商民受衛生之益除購地建場派醫各事俟隨後咨商辦理外所有籌擬章程二十五條是否可行理合備文咨呈查照轉詳署督憲楊察核批示祇遵惟祈見覆施行計咨呈清摺二扣等因准此理合將清摺詳送查核批示祇遵等情到本署大臣據此合行札飭札到該道等即便查照會同核議詳覆此札計清摺一扣仍繳等因奉此合亟札飭札到該府等即便查照會同核議詳覆此札計粘抄摺等因當經前府轉飭天津縣查覆迄今未據覆到正在飭催查覆間茲據津邑職員周樹桂等稟稱爲籌辦地方公益提款充公設立清畜所叩懇核准賞派辦公發給示諭轉詳各憲立案以便力除流毒而保衛民生事竊查屠戶宰殺不顧畜之有病與否街市販肉習見皮隱紅色卽病畜聚血之證且又外來牲肉類多腐臭買以充膳於衛生大有妨碍設遇畜疫流行傳染必捷毒痛不淺雖經衛生局嚴禁諒有鞭長莫及之勢根株難絕所以奉天省城與營口等處均設屠獸場爲防疫之要端商民咸獲其益惟津郡倡辦新政獨於屠宰之流毒尙未清理實係衛生之闕典職等久仰蒞任以來視民如子所頒政治刻意維新隨時改良罔不遵奏以立憲爲要儻與辦地方公益之舉諒必蒙恩核准賞派似無分乎官民是以職等擬設清畜所以補其闕而回漢屠宰之事職等素經諳練深知其情弊且與各屠戶家可商同辦理自無不協擬設回漢清畜三所回教一所專宰牛羊漢教兩所專宰猪豕且僱用獸醫數人凡入境之各畜細診驗其有病與否如無病方准屠戶入所殺宰有病令醫調治不准宰殺或外來已宰之畜亦必須查驗擬議宰牛一頭抽費洋銀六角宰羊一頭抽費一角宰猪一頭抽費二角凡應宰之畜皆量畜而抽約計整年進款不過有洋銀一萬六千元之譜如蒙恩准賞派情願在於盈餘項下每年報効洋銀一萬元按月分交憲轅案下

收納以濟現在公需職等并有妥實鋪保所有租地蓋房設所一切器械醫費藥料等項均照營口屠場式樣締造皆歸職張蠡山墊辦大約需洋萬餘元得免官辦國帑之費且所內章程總以潔淨爲宗旨所設條規亦必稟明憲台斟酌咸宜乃定爲準章除納官款墊辦銀項外下餘錢文作爲同人獸醫辦公之費蓋此因衛生起見力除瘟毒傳染之緣由亟求清淨體育之基礎故不揣冒昧歷陳利害伏乞恩准資派辦公發給示諭轉詳各憲立案并乞轉咨衛生局南北段巡警局一體保護暨行縣知照實爲公德兩便仰候批示懷遵不勝待命之至上稟等情據此前來除批稟悉查清畜所一事原於衛生之道不無裨益所請仿照奉省屠獸場辦法由官督紳創辦酌減抽收驗費在於盈餘項下提款充公之處究與各屠家有無窒礙仰候照會商會察酌商情妥議稟覆再行核奪此批等因榜示外相應備文照會貴會紳希即察酌商情妥議見覆以憑核奪幸勿刻延須至照會者計粘抄摺等因查清畜所之設事近瑣擾值此食物昂貴物力維艱之際一經開辦不特屠家有失營業商民又添此一層剝削度需更難支持應請免其置議以保商民茲奉照催相應移覆貴府請煩查照辦理施行須至移者

文告錄要

督憲批示錄要○陸軍第四鎮統制官吳鳳嶺呈請以湯玉林等升署隊官並遞遺各缺由 批呈摺均悉如擬派

署候行糧餉局查照札諭隨批併發仰即轉給飭遵繳摺存○陸軍第二鎮統制官馬龍標稟隊官王化宣等九員擬補督隊官各缺由 批稟摺均悉如擬派充候行糧餉局查照札諭隨批併發仰即轉給飭遵繳摺存○故

城縣姜宗泰稟民情困苦請籌春撫接濟由 批據稟已悉仰賑撫局核明詳覆飭遵並移藩司查照繳

藩台批示○無極縣學生馬繼援呈 批案經該縣鮑令詳明此案爾所爭墜地兩造各無文契斷令是地兩造均

不得耕種取結完案乃爾輒敢來轅翻釐殊屬逞刁健訟著速回籍安度勿再多釐致干未便懷之○博野縣紳民千總龐建勳等呈 批紳民保留官長有干例禁所呈殊屬冒昧應不准行○河間縣從九魏振南呈 批呈

詞閃燦支離顯因別有隱飾挾嫌妄訟不准并飭

臬台批示○行唐縣文生趙鶴鳴來司呈控一案 批據呈縣役蓋二等更名復充挾嫌嚇詐虛實均應澈究候飭

縣作速提集人證質訊確情據實擬議詳辦該生即回縣候審毋得在省逗留○博野縣職員蔣毓琛來司呈控

一案 批前據孔蔣氏續控業經批飭不准再瀆在案該職卽回籍安度勿庸興訟仍候行縣知照
天津南段巡警總局傳單○爲通傳飭遵事照得巡警具軍人資格必整齊嚴肅方足以重外觀而明紀律今查各
局聯隊往往與散操回局時在路任意嬉笑殊屬不成事體合行通飭爲此傳仰各該局區遵照嗣後於散操回
局時務須嚴飭各警仍應步伐整齊勿得在途任意嬉笑致紊警規勿違切切此傳
保定商務總會批示○稟貢孫漢雲等稟懇公議前承辦督硝公司周國愷賬目未清一案 批稟悉候開會評議
此批

電報錄要

路透電○美京消息美政府現派前任商務大臣司德洛氏爲駐日本全權公使又聞和蘭政府派前駐非洲特蘭
斯福爾國歐洲代表員溫洛克蘭德氏之子充駐華公使

又電○俄皇日昨在塞洛地方召見達賴喇嘛之專使查穆保葛溫氏并隨員等查氏呈送俄皇物件甚夥

又電○傳聞英國紐喀斯洛地方義洛威克公司總理阿穆司莊氏現接政府之諭在日本製造大宗槍砲

柏林電○德國美漢輪船公司現查賬虧欠十三兆馬克并未分派紅利

又電○古巴議院現將禁止外人在古巴購地之例廢棄

新政紀聞

政治

民政部考試紀要○民政部連日在署考試內外城警官委員自十七日爲始是日考內城所裁官員自五品警官

下以至委員約六十餘人三堂親臨面試又派部中司員十人充檢察官閱卷者爲參議參事及五司總辦試題

三道一爲記名投票不記名投票其利弊如何二爲甲乙二人皆違警章甲有心疾乙不及歲應如何科斷三係

衛生告示三題之外并謄寫三代履歷十鐘出題限至三鐘完卷不全作者亦可茲并將分考日期列後 十八

日考外城所裁警官委員 二十日考內城已留廳之警官 二十一日考外城已留廳之警官

提議蒙盟禁煙辦法○理藩部堂憲因調查蒙盟各處種煙地畝及吸煙人數亦不減於內地各省日前特與禁煙

王大臣提議實行禁絕辦法並開擬先由理藩部派員前往調查再行核辦云

戒煙官局出示曉諭○京師外城巡警總廳日前出示曉諭云照得本總廳現在東茶食胡同廣興園內設立戒煙官局一所專為貧民戒煙所有藥資飯食衣褲被褥一切經費均由官備戒煙之人一無所費該局現於月內開辦凡有志戒煙者務於本月二十日以後到該局掛號填寫證書聽候定期傳令入局幸勿觀望自悞切切此示
選舉調查事務所近事○江蘇常州府屬武陽選舉人名冊業經告竣共有八千餘人之多事務所諸君近奉籌辦處行文謂莊首甲長不得名為公益事務飭即一律刪除因將此二項中之有他項資格者分別改入各類另行造冊聞尙存六千人左右云

學務

小學堂會考揭曉○天津勸學所於本月十六日在河北甘露寺宣講所會考官民立各堂高等三四年生已紀前報茲於前日評定甲乙榜示勸學所門外并將試卷傳觀各堂合將上取學生姓名列後 高等四年上取四名 劉家駿 劉士清 王祖光(以上均河堂) 吉承淮(城堂) 高等三年上取七名 朱炳堯(民二) 畢鏞(城堂) 張裕勳(放堂) 溫運昌(藥堂) 楊紹曾(民二) 王朝卿(直堂) 單士智(放堂)

存古虛額札司考補○蘇省存古學堂自去年由陳伯帥札委朱竹石廉訪為該堂總理招考內外班學生分別詞章經學算學等四門考取學生開辦迄今已逾兩學期而原取諸生已有因事出堂久假未銷者現在學生不及六十人故伯帥以所遺空額應須招考補足且各屬有志來學者紛紛請為收考故已札飭提學司樊學使定期招考以廣造就云

奏獎捐田興學富紳○湖北北京山縣職紳河南候補縣丞劉邦楨家資殷富熱心公益曾在鄉園創辦獨立義學去歲復捐田百餘石價值萬金以助該縣各學堂常年經費刻經提學司詳請鄂督陳筱帥專摺奏保以知府選用俾昭激勸

軍政

調取條陳船艦軍械說帖○軍機處因向例在陸軍部呈送條陳船艦軍械槍砲各項說帖應須由本處咨調某項

說帖方能送到現因整頓籌辦海陸各軍此項說帖關係重要當經議定凡有在陸軍部呈遞說帖條陳軍械船艦者應一律咨送本處核辦已片交該部嗣後所有條陳此項政要說帖即行咨送軍機處以便採擇開單呈遞陸師學生擬赴部攷試○江南陸師學堂第四班學生業經去臘舉行畢業大攷但至今尚未頒給證書因學生畢業名數甚夥無可位置經該堂總辦俞觀察明震再三籌畫擬擇成績較優之學生送部攷職現已奉督院批准一俟經費請到大約二月中即可首途矣

民事

電飭詳覆種吸賣三項實數○江督端午帥因須調查本省各屬種煙地畝曾飭各屬查報以便對付萬國禁煙會茲因各屬所報之件未將種吸賣三節詳細開列致難查核復又分電各屬飭將境內原有種煙地畝若干現在減種若干土店膏店原有若干近自禁閉之後尙有若干以及吸戒人數一併查明確數迅速電覆以便核辦江北籌辦導淮大工○江北提台前因淮患日亟故道暫難議復僅恃入江爲去路年來江口日窄江底漸高大有難以容納之勢擬照靳文襄公成議將高郵州境之車南新三壩擇啓一壩終年廠放兩旁各建束水堤中留一百丈內外俾淮水由此東趨入海當委文道煒會同揚州府嵩守前往查勘稟覆核辦文道高守均極主張此議現已履勘明確稟覆到浦略謂三壩之水均匯於距壩十八里之格子口支分三派一趨東南抵樊汊一下正東入東台一歷興化至白駒閘均三百餘里至於淮水入海查有兩路一由鬪龍港經東台東注於海路雖略近而海道極難疎濬一由新洋港經鹽城縣東注於海路雖較遠而港流暢達毋待疎通彼此權衡似宜以新洋港爲宜今欲導淮由此入海應請將車邏壩改爲滾水石壩水漲即從滾壩分洩兩旁建築束水堤導淮使歸中流即就原有之堤接續增築會於格子口以省堤工中間舊有河道自車邏以迄白駒閘因勢利導毋庸別開引河惟支河紛歧多關農田水利仍應添築涵洞石閘以時啓閉俾資灌溉至改築堤工添造閘洞工程浩大約需百數十萬金刻下尙未估定實數云

商務

驗收商埠馬路工程○江甯省垣自水西門至上河一帶從前爲商務繁盛之區自髮逆後場市爲之一空刻江督

端午帥以振興商務實以便交通爲入手辦法去歲特批飭馬路總工程局何道輔章自水旱二西門至上新河一帶綿亘十餘里之遙均開闢馬路昨何道已稟報工竣並請派員驗收以昭核實午帥據報後即派鄭道世瑄前往驗收一切

商會總協理易員○鄂省商務總會總協理年滿例應退職近特開大會選舉是日勸業道武昌府江夏縣及各幫董事均齊集兩湖勸業場監視開投票簡計票數最多者爲呂超伯君得十九票定爲總理其次爲殷友愚君得十五票定爲協理

商餘學校開校授課○湖北漢口商餘學會附設之商業學校茲已延定前長沙中學堂教員劉徽五君充國文兼修身歷史地理教員李汝舟君充英文兼算術教員王幼庭君充英語專修科教員呂叔戴君暫充校長於日前開校授課

飭商赴賽衣飾大會○湖北漢口商務總會刻接英領法勒斯君函開英京倫敦擬於西歷四月開賽衣服飾物大會請傳知漢上各商如有願赴會者速即備辦前去並附送英文章程一紙因特通告各商界如有願出重洋藉資考鏡者即至會報名以便代請護照

雜記

醫學會調查各埠醫務○上海中國醫學會爲各埠醫會之總機關成立有年醫林共仰自奉大憲批准立案後迭經該會坐辦王問樵君悉心籌畫條理井然入會者益形踴躍茲恐醫品蕪雜甄別殊難特函致各埠調查員囑將各該埠醫務迅速查明聲覆俾可設法整頓以挽醫界之澆風云

飭屬保存境內金石○山東爲文明舊邦秦漢以來留遺金石不少上年正月間羅學使會通飭各屬加意保存將境內現存金石多寡有無報司備查乃自去年臘月竟有嘉祥縣民郭西屏私將漢畫像石賣與外人情事羅提學對於此事甚爲注意已詳院將嘉祥縣知縣章大令文華行司註冊記大過一次責其於奉飭保護之件漠不經心致任奸人盜賣特示薄懲其縣民郭西屏私行運賣古物亦飭令嚴傳到案稟請懲罰以儆將來並復通飭各屬將境內原有金石逐一查明出示曉諭紳民實力保護責令該區域里長村董稽察照料每歲查考一次如有私行販運售賣及毀棄摧殘等情一經查出或被告發均令按照定律以竊盜論從嚴懲辦遇有新出土碑石即時報官驗明將原石運送來省送金石保存所酌給犒賞已行知各屬遵照辦理

較遠各處至遲不准逾月違則詳請記過并將管册之人議罰

一膏土店營業憑照應繳照費吸戶購煙牌照行旅購煙牌照應繳牌照捐所收捐費均宜隨時報解武漢各警局按旬一解沙市等十一處按月一解均由本公所核解善後局收儲抵補賠款其餘各廳州縣按兩月逕解北善後局并報本公所備查

一膏土各店應令各店主於領照前三日將該店現存膏土數目據實報明即由發給憑照之處派員赴店過估澈底清查以期核實如有歇業或願歸併他店者亦令前三日將存貨據實報明派員過估嗣後各店自外運土來店者同惟憑照發訖之後只准閉歇不准增開年滿換領新照應將舊領之照隨時繳銷

一凡他項營業而兼賣膏土者均令各營本業不得帶售土膏

一各店代收牌照捐須令其按日彙繳如有藉詞拖欠情事報明本公所照章議罰

一武漢三鎮膏土各店一律發給循環印簿飭令按旬更換繳由本公所查核各警察局應每夜分派員司攜帶本日所發各項憑照單存根赴各店稽核以杜弊混稽核之法以循環簿與該店流水簿并存根互相校對爲緊要關鍵如查有彼此不符即係舞弊應即報明本公司分別照章議罰各市鎮及各廳州縣均應做照辦理

一往來之客居久暫不一請頒行旅牌照除取具保狀外如係暫居三五日須註明限期滿作廢并令將牌照繳銷若在十日以外者飭令按旬更換以便稽查而免弊混

一三聯憑單爲隨時稽核起見凡吸戶以及旅客持有牌照并查與應行購買之例相符均可照章分別填註憑單加蓋戳記發給收執每夜赴店核對時如查有本日領取憑單并未購煙者應飭該店次日不准照售膏土並將該憑單作廢

一吸戶持照領單時須將牌照詳細驗明如煙店並未填註分量加蓋戳記應即嚴行追究以杜私相授受之弊

一同業批買及外埠土膏來此販運必須請領憑照方准起貨領憑照時應令將姓名籍貫議定購土合膏若干買自某店運往何處據實報明分別填註憑照內加蓋戳記給與收執每夜赴店核對均須逐細查明此兩項牌照只准購買一次下次不得執以爲憑

一 凡編查吸戶發給牌照時應先詢其家中有無預藏膏土情事如有卽令盡數取出過估約計膏土足供幾日之需均令註明一律繳捐倘吸戶意存隱匿并不請領牌照一經查出或被入攻發均應從重科罰

一 填發各項照單均不得任意留難予人口實

一 各項照單均由本公所編列字號省城用鄂字漢口用夏字漢陽用陽字沙市用江字宜昌用宜字武穴用廣字蔡甸用蔡字新堤用沔字羊樓峒用藩字汀泗橋用汀字岳家口用天字沙洋用門字樊城用襄字老河口用光字其餘各廳州縣均由各地方官做照辦理

一 各項憑照牌照均由本公所編定字號三項憑照只能在各本鎮賣買膏土惟吸戶行旅兩種牌照武漢三鎮可以通行但赴本鎮煙店購煙必須由本鎮警察局發給憑單以便稽核至各府州縣以及外鎮不在此例

一 所收捐費各廳州縣做照代徵煙酒酒糖稅之例酌提兩成作為該縣辦公經費外仍准再留一成作為地方辦理禁煙之資至沙市等十一處所用經費外准其稟明核實開報各印委如能實心任事潔已奉公辦有成效者自應詳請分別獎勵倘有辦理不善藉端舞弊等情一經查出亦卽分別撤參以示懲儆

一 以上各條係就現時開辦情形酌定如有未盡事宜再當隨時斟酌增定以期實行而免流弊

廣東省港澳籌辦水利慈善會章程

第一章 定名

一 本會因戊申廣東三江水災而起由省港澳賣物賑災會三善團組合擔任善後應定名為省港澳籌辦廣東水利慈善總會

第二章 會地

一 總會設在省城潮音街潮平里爲三支會總機關港會設在德輔道中三十二號華商公司澳會設在荷蘭園原生學舍省會附入總會內

第三章 宗旨

一 本會以消弭廣東東西北三江水患爲宗旨注重開河疏河二事擇其可行者行之

肅寧縣李令士田稟籌設農務局組織農會情形文

固安縣屠令元豫稟設立自治局學社文

漢督錫咨請川督趙飭諭商民勿販川土入滇文

初十日

督憲楊准郵傳部咨開修保定一帶電線請飭屬照料

札飭各州縣遵照文

督憲楊准浙撫咨查長蘆銅元賣買有無折扣及原辦

情形札飭運司抄案備覆文

津海關道詳豐潤縣河頭鎮河渠淤平礦局擬派人查

勘挑修文

十一日

督憲楊准稅務大臣咨福惠玻璃公司運銷貨物准完

統稅一次札飭關卡遵照文

津海關道稟開平礦局擬購炸藥藥線候示遵文

京奉鐵路局稟在局各洋員因值國喪請代稟以表哀

忱文

兼理東路廳同知張丞封泰詳職員孫溫等稟擬將工

藝局款移辦自治學社文

十二日

督憲楊准豫撫咨詢蘆鹽運豫沿途卸載各地方札飭

運司查明詳候咨覆文

保安州呂牧懋光詳栽種罌粟一律禁絕文

豫學孔札陳州府遵照院札奉宮保袁捐助項城七邑

學堂經費轉飭立案文

十三日

學台札發中學堂學生履歷分數表格文

農務局王道樹善詳灤州設局種樹請立案文

天津縣董事會移天津縣文

又移地方審判廳文

又移地方審判廳文

十四日

寧河縣孔令憲詳裁撤巡丁不准再收客商酒資請

咨部文

十五日

憲政編查館咨民政部恭錄刊送重要 諭旨查照轉

行文

又咨覆鄂督軍營立功武職准有選舉權文

督憲楊准呂大臣電派工程師赴故城探查水勢札飭

各屬保護文

懷安縣稟籌畫調查選舉事宜文

盧龍縣張令治仁稟籌辦學務情形文

又稟承辦調查選舉情形文

十六日

督憲楊准郵傳部咨德使函覆招商局公平船碰損德國碼頭一案札飭洋務局核辦文

督憲楊准農工商部咨文生張松亭稟辦宛平縣屬石子溝礦產一案札飭礦政調查局核辦文

四川農業學堂監督洪守汝源條陳農務應辦各項文

十七日

督憲楊咨覆郵傳部温州商輪坐艙請仍令王裕新接充一案文

藩司呈順德府種桑經費擬提邢縣皮毛捐請照准文

天津議事會稟 督憲文

天津電話總局移覆議事會文

十八日

憲政編查館咨覆安徽巡撫甄別屬員及造冊權限尋

常委員甄別辦法文

大名鎮稟赴開州會哨回署日期文

天津浦鐵路北段總局稟擬在陳唐莊築造車站碼頭文

天津縣議事會稟 督憲文

天津縣議事會移電話總局文

十九日

督憲楊准呂大臣咨津浦鐵路收支各款行用龍元札

督憲楊准郵傳部咨德使函覆招商局公平船碰損德國碼頭一案札飭洋務局核辦文

督憲楊准農工商部咨文生張松亭稟辦宛平縣屬石子溝礦產一案札飭礦政調查局核辦文

四川農業學堂監督洪守汝源條陳農務應辦各項文

督憲楊咨覆郵傳部温州商輪坐艙請仍令王裕新接充一案文

藩司呈順德府種桑經費擬提邢縣皮毛捐請照准文

飭造幣廠查照文

廣宗縣心令田稟籌設戒煙公所文

盧龍縣張令治仁稟遵章會議警務情形文

天津縣董事會移議事會補助學費情形文

二十日

藩司詳旗奉吉江會館董事稟請發領荒地照文

南和縣知令錫章稟添設初等小學暨舉行第一次觀摩會情形文

二十一

督憲楊准郵傳部咨覆楊慶槐擬修白石溝運煤鐵路

札飭礦政調查局查覆各節並准其立案文

督憲楊准稅務大臣咨津浦鐵路局所運各物凡非建築材料應由各關照章徵稅札飭津關道遵照文

開州朱牧佑保稟辦理煙店憑照吸戶執照事宜文

二十二日

度支部咨憲政編查館直隸諮議局籌辦處建局經費

准作開銷等文

學部通咨各項小學堂學生初級師範學堂自費生轉

學章程文

督憲楊准郵傳部咨京張鐵路材料應准免稅札飭津

海關道京張鐵路遵照文

督憲楊准郵傳部咨京張鐵路材料應准免稅札飭津

海關道京張鐵路遵照文

啓者新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰據西商部註冊立
 考驗拉力結力俱高出外洋之貨且機器加出灰足數均主顧購用尚製
 之紅磚花磚洋灰瓦溝管矸子土等項無論零交易均可本公司總理處
 設在天津海大道英租界先農公司對面並於北京烟台上海漢口等埠均
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成
 本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股
 東願入此股者請自二月十六日起兩個月內先將認定之股數 函示註冊該股款於註冊後兩個月內全數交
 齊即以交款之日起息如欲詢詳細辦法請 惠臨天津海大道本公司面談可也此布

啓新洋灰有限公司分派第二期年息紅利廣告

敬啓者本公司應派上年年息紅利定於閏二月初一日起憑息單發給並分送帳略務祈在股 諸君屆期到天
 津海大道本公司總理處領取如南省股東亦可將息單交上海天津分銀號承接寄津代取不計匯費惟津滬往
 返函寄約需一月屆時望持該號收條領取息單可也

欲為諮議局議員者

總發行所 上海商務印書館分設
京師 天津 太原 成都 漢口 福州
奉天 濟南 開封 重慶 長沙 廣州

今年九月各省開辦諮議局 議員責任綦重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論一元 法制經濟通論二元 政法理財講義五角 日本法制要旨一元 日本明治法制史九角 政治講義五角 法律經濟辭典紙面五角 法規大全解字四角

◎憲法書 政治學及比較憲法論二元 憲法研究書一元 憲政論五角 日本憲法義解三角 日本預備立憲過去事實五角 立憲國民讀本三角 ◎議會書 日本議會法規四角 議會政黨論五角 十六國議院典例五角 日本議員必攜八角 ◎地方自治書 日本議會法規四角 歐洲大陸市政論四角 地方自治財政論五角 地方自治淺說三角 此外政法書 之尤重要者 ◎法律 有日本法規大全二元 日本六法全書五角 比較國法學七角 國法學行政法汎論一元 行政法各論六角 民法原論二元

◎政治 有則列國政要三十二册 政治學一元 那特經政治學四角 政治汎論一元二角 萬國國力比較六角 嚴復社會通詮一元 嚴復羣學肆言一元 嚴復羣己權界論八角 ◎財政 有經濟通論七角 理財新義二元 英國度支考四角 國債論三角 計學教科書一元 理財學講義四角 計學淺訓五角 ◎教育 有日本明治學制沿革

史五元 歐美教育實際二元 德國學校制度四角 ◎警察 有警察講義錄五角 雖卷帙較繁 議員苟有餘力而兼治之 則受益無窮矣 ◎尚有諮議局章程箋釋四角 諮議局章程要義五角 諮議局調查須知五分 諮議局選舉須知一角 諮議局章程表解三分 尤人人所必讀 無待贅言也 (河北大胡同電話五百二十六號)

天津商務印書館廣告

利隆
大小皮包法國洋號又新到轉盤掛調話匣八音盒價值格外從廉仕宦官商九願者請移玉紫竹林法租界本行面議可也

本行開設天津上海香港志呢華海參歲等處均設有年諸班貨物由外洋本機器廠自造砧
蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶
鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡
本行主人啟

林祥元
綴洋貨

本號開設（北京前門外鮮魚口）（天津估衣街中間路北）（山東濟南府院西路北）等處
自置綢緞洋貨顧繡蟒花素貢絨絨緞各色抖蓬哈叻厚呢以及京廣什貨織絨綫貨各色
俱全貨高價廉劃一不二中外 紳商賜顧移玉是幸
瑞林祥元記具

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尙未成立茲先循章將各股東自交股
日起截至光緒三十四年底止應得正股紅股官利一律照付本埠以三月初一日爲始外埠以三月十六日爲始
屆時請各股東攜帶全賬息單此係第一期取息萬勿掣裁至原交股處支取息銀或此埠股東願改赴彼埠取息
者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息
單即無憑付息特此奉聞

付利處

天津 三岔河口 玉皇閣 本公司總理處 北馬路 天津銀號
保定 上海 漢口 唐山 張家口 天津分銀號

同啟



本行開設天津 於茲二十餘年 自運各種洋貨 絨紗布匹綢緞 繡化屏風鏡額
磁銅料器瑤藍 奇巧美術玩器 日用雜貨俱全 學界文房用品 旋行攜帶等件
精工裝身物料 定織各色蓆氈 如蒙官商光顧 價值格外從廉 貨多不能備載
本行隨便入覽 電話一千三百七十四號 天津法租界 武齋洋行謹啟

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年起承印各
 項價目格外減讓以
 副官商雅意如蒙
 賜顧請至本局賬
 房面議可也

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

京奉鐵路局廣告

啓者查直東各處貧民每年春間赴東三省一帶充作小工人數衆多祇
 以火車票價稍昂多係舍車徒步本局格外體恤減收票價歷經辦理在
 案茲訂於正月二十五日在天津軍糧城塘沽各車站賣票至營口或新
 民府瀋陽每人收車脚洋三元另印專票交由該站長公司售賣並飭不
 准額外需索惟此項買票搭車之人必須實係小工不准夾帶客商希圖
 取巧該小工等每人祇許隨帶小包行李一件本局屆時派員在各該站
 並沿途隨時訪查如查有冒混或半路輾轉售票情事輕則照章究罰重
 則送由地方官懲治其各凜遵特此廣告

大清銀行廣告

大清銀行現定三月初六日在京師虎坊橋湖廣會館照章開股東會議
 屆期務祈 光臨並先於閏二月十五日起分派老股新股官餘利請附
 股諸君持摺來行取息特此白